


眉菴集

三



眉菴集卷之七

五言律

省垣對雨二首

姑蘇楊基

孟載

卷之七

朱邸開東閣青閨對晚林
雨苔行處濕風葉坐來深
俯仰唯緘口交游孰吐心
偶逢佳節醉萬事愁銷沉
舊雨深叢菊新霜小樹楓
醉憐花冷淡愁愛葉疎紅
沙遠無鳴柝江寒有斷鴻
羈懷誰共語默默坐書空

贈秦侍儀

右二首江西作

文采玉娟娟班行內外聯
蕃王從學拜邊使候通箋
侍立彤庭上追趨法駕前
今朝退朝早衣上有爐烟
送翰林脩撰劉用章赴滇陽

桂苑思戎客，薇垣亞相才。人皆期管樂，我獨愛鄒枚。
霧雨爐熏掩，星河殿影開。玉堂清切地，遲爾早歸來。

宿高季迪京館

歲晚此相逢，鄉情侶酒濃。語長銷夜燭，夢短及晨鐘。
急雪風鳴簾，微雲月照松。雞前趨闕去，寒樹曉籠蔥。

春盡始聞鶯聲

衆綠鶯園池，鶯聲遠更宜。愛於三月暮，聽似百花時。
上苑啼應早，南風見自遲。綠窓殘夢斷，相憶海棠枝。

為牛諒侍御題畫

步履近星辰，霜凝翠栢新。自憐烏府月，應照白頭人。
綉斧監祠夜，封章待漏晨。清朝崇孝治，一飯不忘親。

和牛侍御懷弟之作

春草綠芊芊，看雲憶惠連。午陰花萼上，秋色鴈行邊。此日臨池坐，當時聽雨眠。應將舒卷意，戲綵北堂前。

懷吳中赤山舊業

東林携策處，南垞釋畊時。一逕都緣石，諸泉盡到池。靜憐松響續，涼愛竹陰移。盛世容歸隱，毋令解組遲。漸與世紛遠，自然塵慮消。沿隨碧溪水，徑渡綠陰橋。岐路迷還識，孤村近却遙。閑身任來往，不為野人招。

夏夜有懷

重露澄秋色，輕風生夜涼。碧看湖草亂，紅愛渚蓮香。有弟徒相憶，何人不異鄉。悲茄在城上，雙淚落衣裳。

逢鄭校書

一從淮水別千里各西東
又是秋風後相逢客路中
鬚眉怜我老憂患憶君同
遙想西齋宿孤燈照影紅

江村雜興

春墅一鳩啼橋危懶過谿
徑苔都上壁野菜不分畦
倚杖妨花密看山碍竹低
欲知幽隱處風雨白門西
陋巷泥三尺無人訪隱淪
窓鳴風減睡炊斷雨添貧
野路花迎客江橋柳送人
暫須依薄俗憇此竄餘身
春色冶城東花濃咲老翁
燕遲雙壘破蜂早一房通
薄暝山腰雨踈紋水面風
便携蓑笠去垂釣綠蒲中
判醉望愁醒愁因醉轉增
已歸仍侶客投老漸如僧
詩

興風樓笛棋聲雪舫燈莫言渾不解此事野夫能
東溪復西圻村人可釣磯草於烟處密花較雨前稀小
管催鶯出踈簾待燕歸傷心新柳色猶妬舊羅衣
偶因辭祿去聊傍葦邊居瓢棄頻賒後衣存屢典餘晚
簾花掠燕春水絮吹魚復恐沙崩石楊栽插遠廬
江橋春別後沙舸獨歸時鵝鴨東西宅菰蒲遠近陂藕
深荷蓋密竹瘦筍鞭遲野趣誰能識唯應白鷺知
斜檻俯江湍輕帘矗小竿柳寒鶯羽濕花暖蝶鬚乾酒
或臨流酌詩多寫石看不因迂僻地那得此身安
江影搖春樹潮痕摺晚沙綠蕪三尺雨朱槿一籬花去
國仍思國還家復夢家自無干祿意何必遠京華

將兩山光黑初晴樹色青
賣薪沙店遠占穀瓦龜靈石
枕支頤冷江瓢漱齒腥
醉餘春睡熟長得鳥呼醒

乍暖夾衣輕閑依綠渚行鳥喧
如有訴花慘侶傷情風
度思前輩才華畏後生
自緣耽野趣初不為逃名

詩廢并無藁琴亡況有函
菌生春藥曰苔蝕種花鏡
徑濕慵頻掃畦荒懶自芟
畏人詢往事欲語意先慚

江月盈々白墟烟細々陰茅茨孤碓急
機杼一燈深短

笛多悲調長歌少醉吟自憐
知已盡空負壁間琴

野渡綠沙闊村酤入市遙
雨籬花婉々風箔葦蕭々祠

古猶供祭墳荒不禁樵
夜來沙觜沒漂斷屋西槁

僧昼映柳庄漁市入橫塘
晚渡雙橈月朝吟一硯霜
瘳

貧知有術醫俗咲無方種得青青草離憂賴爾忘
清流曲幾回喫飯此山隈歌斷憐鶯續詩遲畏酒催晚
晴初見月春盡尚逢梅歸路緣江熟支筇不用陪
江渚疑無岸縈蕪遠接波花疎遊騎少酤賤醉人多燕
已將雛出蜂能負子過祇愁春已晚欲借魯陽戈
咫尺南朝寺松杉覆短垣野猿偷佛供山鳥學人言石
氣晴猶濕泉聲靜却喧塵心久空寂隨意給孤園
儀困非無舌顏貧尚有田病多賒藥券貧乏買山錢白
壁交徵日黃金寵賜年都將舊游夢一咲野漚邊
情深却倦遊矮屋任低頭花落東風怨鶯啼夜雨愁酒
煩隣媪買詩許社僧求歌駕東家鶴吹笙到十洲

句曲秋日郊居雜興 十首

茅屋人歸後荒村更異鄉樹寒烏遠月江冷鴈啼霜影
賴燈相續愁緣酒在忘明朝覽青鏡白髮幾多長

出門山氣夕循逕入谿陰野水經寒淺秋風到晚深草
潛驚鶻兔海露啄魚禽自采黃花嗅誰知獨步心

漸老愛秋光升沉意兩忘鴈聲偏到枕虫響故依床薜
荔千林雨芙蓉一樹霜故園禁菊在衰颯為誰香

庭樹聚棲鴉溪流沒淺沙瘦憐人似菊濃愛葉如花秋
色都連水寒雲忽變霞自慚長在客無地不思家

因掩輝々燭爐消細々香無風寒尚淺有雨夜偏長飢
鼠搖空橐枯螢委破囊十年江海夢此夕詎能忘

地與華陽近三峯獨往來草香千品藥松老一身苔書
怪獮偷讀門經鹿撞開墻東有脩竹移向北庭栽
編竹補疎籬生芻束酒旗雞豚田祖廟鷹犬獵神祠玉
糝菰為粉璫酥豈作糜兒童採蘆葉爭學短簫吹
欲往竟無適意行仍獨還猿聲黃葉寺牛背夕陽山書
棄將成業身校未老閑相逢莫嘲誚才與不才間
偶隨黃蝶去岸幘樹邊橋邛酒紅初散朝霞白漸消沙
平留鴈跡水落見魚苗却愛箕山老從容棄一瓢
落葉擁柴扉村深客過稀曉車分穀去晚笛飯牛歸漁
負雨蓑立鳥嘶霜果飛此中真小隱予亦久忘機

杜伯寧雨中相過晚晴告別

念汝能相過危橋渡野塘入門巾履濕滿席芰荷香我
愛秋前雨人誇午後涼都將畊鑿意一咲送斜陽

懷白容縣中諸友

武師文

山市遶寒廳雲分半榻燈苔荒征訟少果熟稅錢增薄
俸長留客新詩或寄僧朱絃嗟久斷欲續竟誰能

趙仲弘

古貌復長鬚山林一老儒豐城埋古劍滄海得明珠文
氣曹劉並才華沈宋俱故園諸友盡相見獨踟躕

栢師文

白髮已千莖相逢喜氣生看山留十日待月坐三更秋

浦槎頭釣春泥谷口畊莫言踪跡闕朝市久知名

翟好問

愛尔山城隱柴門對縣衙酒貲千畝芋生計一園瓜雨
步荷巾濕風吟蓆帽斜時扶短杖看竹到東家

居行恕

一榻卧秋陰松明照夜深瓦枰山館奕石薦竹窓琴老
愛籠醵字貧消買藥金岡頭三日別葉落亂蟬吟

樊楚尹

綠幙雨初涼閑齋夕漏長硯生秋蘚碧花落紫薇香教
子抄書法逢人錄酒方自緣耽野趣臺閣意都忘

吳善養

心境兩俱寂松風時掩關佩紉蘭葉紫冠製竹皮斑飲
少長先醉吟多每自刪近來登眺懶滿壁畫秋山

吳損菴

玉笈佩神經雙瞳煉更青秋雲分席坐春雨卧樓聽掃
石持鸞尾斟泉洗鶴翎清虛長不食輕歆駕飛軒

巫山隱

巫山青十二一一楚江濱自入山中隱都忘夢裡身玉
冠蒼水珮鶴氅紫荷巾媿我方為客秋風滿面塵

送句容劉少府回楊州

家具一車輕囊書與短檠更多難別意人有去官情帆
影江沉寺簫聲月到城竹西尋舊業烟雨綠蕪生

贈華陽道士徐介之

太極仙翁劍相傳此瘞歲蘚痕皆銹色松影尚雷光斗
閣三花供真壇半夜香便須邀碩況特地宿君房

客懷

以上在金陵并句曲作

休官得養親況及楚江春喜極花迎咲情多柳效顰玉
醪銀葉鱠紅稻紫絲尊遙想西園草青々待遠人

七月十四日過龍江

親已年逾九兒纔月過週家貧歸侶客路遠去如流失
意螢辭火驚心燕感秋平生離別淚相對未能休

沙河舟中

旅懷歸正急春色到非遙草際風初汎蘭心雪未消鷺

明欺白髮鷗快避輕撓得遂歸田計殊恩感 聖朝

儀真逢張孟恭

相見獨依々都緣會面稀故鄉諸友散獨客幾人歸江
掩頭全白劉琨事已非野鷗知別意故繞夜航飛

瓜洲逢丘克莊

江水靚如空江華冷未紅憐余猶客裏羨汝已鄉中白
亭青衫雨烏紗短帽風不須搖艇子垂釣五湖東

閏七月二日發淮安

舟行日已晡恍影動檣烏河伯拋錢祭風神酹酒呼紅
憐瓜似蜜白愛芡如珠且就篙師醉何煩問遠途

至鍾離發書寄婉素

漂泊嗟吾遠支吾賴汝賢老親思饌肉癡女憶衣綿刀
尺砧聲裏燈花咲影邊聊將千里夢持送到金川

盱眙懷古

舊說盱眙縣居民不掩關雞聲啼鳥上人影落花間簾
幙層々雨樓臺面々山惟餘孤塔在秋蘚綠斑々

舟中聞促織

促織來何處哀吟近短蓬不堪為客裏况復是舟中殘
夢寒衾月孤燈夜枕風此時腸欲斷恨不耳雙聾

元夕前雨

楚澤春初入巴江水又來草憐容易綠花恨較遲開月
暗燈慵試衣單亭懶栽晴光在梅柳應待鼓聲催